



გენერალური ხელშეკრულება

ქ. გორი

06/01/2014 წელი

შპს „სან პეტროლიუმ ჯორჯია“ (შემდგომში „გამყიდველი“), წარმოდგენილი გორის სერვის ცენტრის მენეჯერის გელა შოშიაშვილის სახით, მოქმედი მინდობილობის საფუძველზე

და

შპს „ქარელის კეთილმოწყობის სამსახური“ (შემდგომში „მყიდველი“), წარმოდგენილი მისი დირექტორის მამუკა ჩიბირაშვილის სახით ვდებით

წინამდებარე ხელშეკრულებას (შემდგომში „ხელშეკრულება“) და ვთანხმდებით შემდეგზე:

1. ხელშეკრულების საგანი

1.1. წინამდებარე ხელშეკრულების საგანია ტალონური სისტემის მეშვეობით „გამყიდველის“ ავტოგასამართ სადგურებზე „მყიდველისათვის“ საავტომობილო საწვავის, კერძოდ, დიზელის და რეგულარის მიწოდება.

2. ტალონების და საწვავის გაცემის პირობები

2.1. „გამყიდველი“ „მყიდველს“ საწვავის ტალონებს გადასცემს მიღება-ჩაბარების აქტის საფუძველზე;

2.2. მიღება-ჩაბარების აქტი მოიცავს საწვავის სახეობას, ტალონების ნომინალს და ინდივიდუალურ ნომერს, საწვავის საერთო რაოდენობასა და საწვავის ფასს;

2.3. მიღება-ჩაბარების აქტით ტალონების გადაცემის შემდეგ „მყიდველზე“ გადადის ტალონების დაზიანების, განადგურების და დაკარგვის რისკი, „გამყიდველი“ თავისუფლდება ტალონების გამოცვლის, ან დაკარგვით გამოწვეული რაიმე სახის ზიანის ანაზღაურების ვალდებულებისგან;

2.4. ყოველგვარი გაუგებრობის თავიდან აცილების მიზნით „მხარეები“ თანხმდებიან, რომ საწვავის ტალონ(ებ)ი არის ვალიანი და მისი (ტალონის) გადა განისაზღვრება ფაქტურად გაცემის დღიდან 1 (ერთი) წლის ვალით. „მყიდველზე“ გადაცემული ტალონები არ ექვემდებარება უკან დაბრუნებას ან სხვა სახეობის ტალონებზე გადაცვლას;

2.5. ტალონით საწვავის გაცემისას დაუშვებელი ავტოგასამართ სადგურზე წარმოდგენილი ტალონის ნაწილობრივი განადგობა.

3. ფასი და ანგარიშსწორება

3.1. მხარეები თანხმდებიან, რომ მიწოდების ყოველ ცალკეულ შემთხვევაში ფასი განისაზღვრება ანგარიშ-ფაქტურის გამოწერის დღეს „გამყიდველის“ საცალო ქსელში დაფიქსირებულ ერთი ლიტრი დიზელის ფასს მინუს 0,05 ლარი (ხუთი თეთრი) დღგ-ს ჩათვლით, ერთი ლიტრი პრემიუმის ფასს მინუს 0,05 (ხუთი თეთრი) დღგ-ს ჩათვლით. 3.1. პუნქტში მოცემული მიწოდების ფას(ები)ი (ფასდაკლება) განისაზღვრება ანგარიშ-ფაქტურის გამოწერის დღეს საცალო ქსელში არსებულ ფასებთან მიმართებაში „გამყიდველის“ კომპანიაში მოქმედი ფასდაკლების სქემის შესაბამისად.

3.2. გარდა წინამდებარე ხელშეკრულების 3.1. პუნქტში გათვალისწინებული შემთხვევისა, ფასის შეცვლა აგრეთვე შესაძლებელია მხარეთა წინასწარი შეთანხმებით, რაც აისახება ამ ხელშეკრულების დანართებში, შესაბამის მიღება-ჩაბარების აქტებსა და საგადასახადო ანგარიშ-ფაქტურებში;

3.3. „მყიდველი“ ანგარიშსწორებას ახდენს ლარში წინასწარ, ტალონების მიღებამდე. გადახდა შესაძლებელია, როგორც ნაღდი ასევე უნაღდო ანგარიშსწორების წესით;

3.4. „ხელშეკრულების“ მხარეთა მიერ კონსიგნაციით გადახდაზე წერილობით შეთანხმების შემთხვევაში, „მყიდველი“ ვალდებულია წარმოადგინოს საბანკო გარანტია „გამყიდველისათვის“ მისაღები ფორმით, რომლის ვადაც არანაკლებ 10 (ათი) დღისა უნდა აღემატებოდეს კონსიგნაციის ვადას. ამასთანავე, კონსიგნაციის ვადა არ უნდა აღემატებოდეს 5 (ხუთი) კალენდარულ დღეს;

3.5. „მყიდველის“ მიერ გადახდის ვალდებულება შესრულებულად ჩაითვლება ანაზღაურების სრული თანხის წინამდებარე ხელშეკრულების მე-9 პუნქტში მითითებულ „გამყიდველის“ საბანკო ანგარიშზე ან „გამყიდველის“ სალაროში შესაბამისი ნაღდი თანხის მიღების მომენტიდან;

3.6. ვადაგადაცილებულად ჩაითვლება დავალიანება, თუ „მყიდველი“ არ დაფარავს „გამყიდველის“ მიმართ არსებულ დავალიანებას ამ „ხელშეკრულების“ დანართში ან/და ანგარიშფაქტურაში მითითებულ ვადაში;

3.7. „მყიდველის“ მიერ გადახდის შეთანხმებული ვალდებულების ვად(ებ)ის გადაცილების შემთხვევაში, „გამყიდველი“ უფლებამოსილია დაარიცხოს და ამოთხოვოს „მყიდველს“ პირგასამტეხლო ასანაზღაურებელი თანხის 0,5%-ის ოდენობით ყოველ ვადაგადაცილებულ დღეზე. იმ შემთხვევაში, თუ „მყიდველის“ მხრიდან წინამდებარე „ხელშეკრულებით“ განსაზღვრული გადახდის რომელიმე ვალდებულება იქნება დარღვეული/ვადაგადაცილებული ერთ თვეზე მეტი ხნის ვადით, „გამყიდველი“ უფლებამოსილია ამ მუხლში ზემოთ მოცემულ პირგასამტეხლოსთან ერთად, ჯარიმის სახით დააკისროს „მყიდველს“ იმ პერიოდში ვალუტის კურსის ან/და საწვავის საბაზრო (საერთაშორისო ან/და ადგილობრივი) ფასის ცვლილებით მიღებული ზარალის/ზიანის სრული ოდენობა. ამასთანავე, მხარეები თანხმდებიან, რომ წინამდებარე „ხელშეკრულებით“ განსაზღვრული ნებისმიერი პირგასამტეხლოს/ჯარიმის დაკისრება წარმოადგენს მხარის უფლებას და არა ვალდებულებას. პირგასამტეხლოს მიღების უფლება მოპოვებულად ითვლება და შესაბამისი თანხა ექვემდებარება



გადახდას დამრღვევი მხარისათვის წინასწარი წერილობითი მოთხოვნის საფუძველზე. ამასთან, პირგასამტეხლოს დარიცხვა განხორციელება მოთხოვნის წარმოშობის მომენტიდან, მიუხედავად წერილობითი მოთხოვნის თარიღისა.

4. მხარეთა ვალდებულებები

4.1. „გამყიდველი“ ვალდებულია „მყიდველის“ მიერ წინასწარ გაკეთებული მოთხოვნიდან 3 (სამი) დღის განმავლობაში, სამუშაო დღეების (უქმე დღეებად ითვლება შაბათი და კვირა) სამუშაო საათებში გადასცეს „მყიდველს“ ან მის უფლებამოსილ წარმომადგენელს შესაბამისი ტალონები და შეასრულოს ამ ხელშეკრულებით ნაკისრი სხვა ვალდებულებები;

4.2. „მყიდველი“ ვალდებულია:

4.2.1. ამ ხელშეკრულების შესაბამისად, მოახდინოს ანგარიშსწორება „გამყიდველთან“;

4.2.2. საწვავის ტალონების მისაღებად, თავის წარმომადგენელს გადასცეს დოკუმენტი, რომლითაც დადასტურდება მისი უფლებამოსილება ტალონების მიღებაზე;

4.2.3. „მყიდველი“ ვალდებულია „გამყიდველს“ დაუყოვნებლივ მიაწოდოს წერილობითი ინორმაცია უფლებამოსილი პირის ცვლილების შესახებ.

5. ხელშეკრულების მოქმედების ვადა

5.1. წინამდებარე ხელშეკრულება ძალაში შედის მხარეთა მიერ მისიხელმოწერის დღიდან და მოქმედებს ერთი წლის ვადით;

5.2. თუ ამ „ხელშეკრულების“ ვადის ამოწურვამდე 30 (ოცდაათი) კალენდარული დღით ადრე ერთ-ერთი მხარე არ გამოთქვამს სურვილს წინამდებარე ხელშეკრულების შეწყვეტის შესახებ, ხელშეკრულება გაგრძელებულად ჩაითვლება იმავე ვადით და პირობებით;

5.3. „გამყიდველი“ უფლებამოსილია ერთი კვირით ადრე გაგზავნილი წერილობითი შეტყობინების საფუძველზე ვადამდე შეწყვიტოს წინამდებარე „ხელშეკრულება“. ასეთი შეწყვეტა არ ჩაითვლება ხელშეკრულების დარღვევად. ამასთანავე, „ხელშეკრულების“ ნებისმიერი მხარე უფლებამოსილია ცალმხირვად, ვადამდე შეწყვიტოს ამ ხელშეკრულების მოქმედება, თუ მეორე მხარე ვერ ან არაჯეროვნად ასრულებს „ხელშეკრულებით“ ნაკისრ ვალდებულებებს. „ხელშეკრულების“ შეწყვეტა არ ათავისუფლებს მხარეებს შეწყვეტამდე არსებული ფინანსური ვალდებულებების შესრულებისაგან.

6. ფორსმაჟორი

6.1. მხარეები თავისუფლდებიან პასუხისმგებლობისაგან ამ „ხელშეკრულებით“ გათვალისწინებული ვალდებულებების შეუსრულებლობის ან არაჯეროვანი შესრულებისთვის, თუ აღნიშნული შეუსრულებლობა/არაჯეროვანი შესრულება გამოწვეული იყო დაუძლეველი ძალით/გარემოებებით, რომელთა დადგომისას/არსებობისას მხარე, მისგან დამოუკიდებელი მიზეზების გამო, მოკლებული იყო შესაძლებლობას ჯეროვნად შეესრულებინა ამ „ხელშეკრულებით“ გათვალისწინებული ვალდებულებები. აღნიშნულ დაუძლეველ გარემოებებს განეკუთვნება (მაგრამ არშემოიფარგლება): ყველა სახის სტიქიური უბედურება მიწისძვრა, წყალდიდობა, ეპიდემია, პანდემია, აჯანყება, საბოტაჟი, ბლოკადა, საომარი მოქმედება, სამოქალაქო ომი, ომი, საქართველოს კანონმდებლობაში მომხდარი ცვლილებები (ფორს-მაჟორული გარემოებები). მხარე რომელსაც შეეხება ამგვარი ფორს-მაჟორული გარემოებები ვალდებულია მეორე მხარეს გონივრულ ვადაში (მაგრამ არაუგვიანეს 5 სამუშაო დღისა) წერილობით აცნობოს ფორს-მაჟორული გარემოებების დადგომის შესახებ.

6.2. ფორს-მაჟორული მდგომარეობ(ებ)ის დასრულებისთანავე, მხარეები ვალდებულნი არიან სრულად აღადგინონ (გააგრძელონ) ამ „ხელშეკრულებით“ განსაზღვრული უფლება-მოვალეობების შესრულება. მხარეები თანხმდებიან, რომ თუკი ამგვარი ფორს-მაჟორული გარემოება გრძელდება 3 (სამი) თვეზე მეტხანს ნებისმიერი მხარე უფლებამოსილია გაგზავნილი წერილობითი შეტყობინების საფუძველზე შეწყვიტოს წინამდებარე „ხელშეკრულება“. ამასთანავე მხარეები თანხმდებიან, რომ „მყიდველი“ ვალდებულია „გამყიდველს“ სრულად აუნაზღაუროს „ხელშეკრულების“ შეწყვეტამდე „გამყიდველის“ მიერ შეწყვეტამდე ფაქტიურად აღაცემული ტალონების სრული ღირებულება.

7. დავების გადაწყვეტა

7.1. მხარეები მიიღებენ ყველა ზომას, რათა ამ „ხელშეკრულებიდან“ გამომდინარე ყველა სადავო საკითხი გადაწყდეს სმოლაპარაკების გზით.

7.2. საკითხის მოლაპარაკების საფუძველზე გადაწყვეტის შეუძლებლობის შემთხვევაში, ყველა სახის დავა, რომელიც წარმოიშობა მხარეებს ან მათ წარმომადგენლებს შორის, განიხილება საქართველოს კანონმდებლობით დადგენილი წესით.

7.3. მხარეები თანხმდებიან, რომ ამ „ხელშეკრულებიდან“ გამომდინარე, ან მასთან დაკავშირებული ნებისმიერი დავა, უთანხმოება ან მოთხოვნა, მათ შორის ამ „ხელშეკრულების“ შესრულების, დარღვევის, შეწყვეტის, ან ბათილობის საკითხი, განსახილველად და საბოლოო გადაწყვეტილების მისაღებად გადაეცემა შპს „ბი-დი-ჯი არბიტრაჟს“ ს/ნ 205265602, მის მიერ დადგენილი საარბიტრაჟო წესების შესაბამისად.

8. სხვა პირობები



- 8.1. ამ „ხელშეკრულებაში“ ცვლილებების შეტანა შესაძლებელია მხარეთა ურთიერთშეთანხმებით. ამ „ხელშეკრულების“ ყველა დამატება და ცვლილება უნდა შესრულდეს ამ „ხელშეკრულების“ ფორმის დაცვით;
- 8.2. ამ „ხელშეკრულების“ რომელიმე პუნქტის ბათილად ცნობა არ იწვევს მთელი „ხელშეკრულების“, ან მისი სხვა პუნქტების ბათილობას;
- 8.3. ეს „ხელშეკრულება“ შედგენილია თანაბარი იურიდიული ძალის მქონე 2(ორი) იდენტურ ეგზემპლარად, რომელთაგან ერთი რჩება „გამყიდველს“, ხოლო ერთი ეგზემპლარი გადაეცემა „მყიდველს“.

9. მხარეთა რეკვიზიტები და ხელმოწერები:

შპს „სან პეტროლიუმ ჯორჯია“

იურიდიული მისამართი: ქ.თბილისი,
 ვაკე-საბურთალოს რაიონი,
 ჭავჭავაძის გამზ., #34, სართ. #6
 საიდენტიფიკაციო კოდი: 404391136
 ბანკი: სს „საქართველოს ბანკი“-ს ც/ფ
 ბანკის კოდი: BAGAGE22
 ანგარიშის # GE62BG000000876831000
 ბანკი: სს „თიბისი ბანკი“-ს ც/ფ
 ბანკის კოდი: TBCBGE22
 ანგარიში # GE05TB7538836020100001

შპს „ქარელის კეთილმოწყობის სამსახური“

იურიდიული მისამართი: ქ.ქარელი,სტალინის ქ.N26
 საიდენტიფიკაციო კოდი:440885099
 ბანკი: სს „ლიბერთი ბანკი“
 ბანკის კოდი:
 ანგარიშის #

გორის სერვის ცენტრის მენეჯერი



გ.შოშიაშვილი



„მყიდველის“ სახელით:

